

Na osnovu člana 208. stav (3) Zakona Bosne i Hercegovine o izvršenju krivičnih sankcija, pritvora i drugih mjera - Prečišćeni tekst („Službeni glasnik BiH“, broj 12/10) i člana 43. stav (1) i (3) Krivičnog zakona Bosne i Hercegovine („Službeni glasnik BiH“, br. 03/03, 32/03, 37/03, 54/04, 61/04, 30/05, 53/06, 55/06, 32/07 i 8/10), ministar pravde Bosne i Hercegovine donosi

P R A V I L N I K
O IZMJENAMA I DOPUNAMA PRAVILNIKA O VRSTI I UVJETIMA ZA
IZVRŠENJE KRIVIČNE SANKCIJE RADA ZA OPĆE DOBRO NA SLOBODI

Član 1.

U Pravilniku o vrsti i uvjetima za izvršenje krivične sankcija rada za opće dobro na slobodi („Službeni glasnik BiH“, broj 18/06), u članu 2. stav 1. riječi: „šest mjeseci“ zamjenjuju se riječima: „do jedne godine“.

Član 2.

U članu 3. stav 1. riječi: „šezdeset radnih dana“ zamjenjuju se riječima „devedeset radnih dana“.

Član 3.

Član 4. dopunjava se novim stavovima (2) i (3), koji glase:

„Broj radnih dana za opće dobro u toku jednog mjeseca koje će osuđenik izvršavati kao zamjena za izrečenu kaznu zatvora odredit će sud s tim da prvi mjesec rada mora imati najmanje deset radnih dana a svi ostali mjeseci sveukupno mogu imati najviše do osamdeset radnih dana.“

„U cilju srazmjernog određivanja rada za opće dobro izrečenoj kazni zatvora, djelimičnog izvršenja navedenog rada kao i okolnostima iz stava (1) i (2) ovog člana, trajanje rada može se osim u radnim danima, određivati i u radnim satima manjim od osmosatnog radnog vremena.“

Član 4.

U članu 5. stav 2. mijenja se i glasi:

„Trajanje rada za opće dobro određuje se srazmjerno izrečenoj kazni zatvora u trajanju od najmanje 10 do najviše 90 radnih dana, pa će na osnovu toga sud tražiti odnos između visine izrečene kazne zatvora i trajanja rada za opće dobro posebno u slučajevima kada je osuđeni samo djelimično izvršio rad za opće dobro“.

Član 5.

U članu 6. stav 2. riječi: „(„Službeni glasnik BiH“, br. 3/03, 32/03, 37/03, 54/04, 61/04 i 30/05)“ zamjenjuju se riječima: „(„Službeni glasnik BiH“, br. 3/03, 32/03, 37/03, 54/04, 61/04, 30/05, 53/06, 55/06, 32/07 i 8/10)“.